

傳奇

彙考



傳奇彙考

書目文獻出版社

(京)新登字189號

圖書在版編目(CIP)數據

傳奇匯考/-影印本.-北京:書目文獻出版社,1993

本書據1914年古今書室刊本影印

ISBN7-5013-1098-X

I .傳…

II .傳奇劇(戲曲)-文學研究-明清時代

III .I207.37

傳奇匯考

書目文獻出版社

(北京文津街七號)

北京通縣蘭空印刷廠印刷

書目文獻出版社發行 新華書店經銷

850×1168毫米 32開本 30印張

1994年3月北京第1版 1994年3月北京第1次印刷

印數:1——1,000冊

ISBN7-5013-1098-X

K·179 定價:64.80元

出版說明

《傳奇彙考》八卷，不知何人所作。從本書刊行的年代來看，作者當為清末民初時人。

「傳奇」，特指以唱南曲為主的長篇戲曲，主要流行於明清時期，是宋元南戲的進一步發展，盛行於明嘉靖至清乾隆年間。傳奇這一藝術形式，在我國戲劇史中佔有重要的地位。對它的演變與發展，雖有《曲海總目提要》、《宋元戲曲考》等著作涉及，但系統、詳細地進行考證評介，則非此書而莫屬。

《傳奇彙考》共收集了二百六十三種傳奇曲目的有關資料。其中包括作者概況、內容簡介及評價。尤其可貴的是，作者對很多曲目的來源引經據典、追本溯源，進行考證。這樣其價值就不僅限於戲曲了。至少對於研究文學史的人來說，該書也是極為有用的參考資料。

本書據一九一四年古今書室刊本影印出版。

書目文獻出版社

一九九三年八月

傳奇彙考卷一目錄

全家慶

龍華會

求如願

藍采和

千里舟

十錦塘

赤龍鬚

松筠操

紫珍鼎

龍鳳圖

龍鳳合

雙龍墜

三虎賺

瓦崗寨

別有天

雪香園

小天台

醉西湖

雙鳳環

雙飛石

元宵關

文犀帶

玉尺樓

白紗記

泮宮緣

買愁村

樓外樓
鐵冠圖

雙丞緣
表忠記

傳奇彙考卷一

全家慶

不知何人所作漢富錦章積善感天父子同膺顯爵夫婦齊眉闔門元吉故名全家慶然事蹟荒唐無稽略云富錦章字雄文雲間人少失怙恃年二十讀書入泮尚未有室慨然慕陶朱公郭汾陽之為人聞廬山紫雲道人善卜往決行藏於中途遇桂榮留宿榮有女青娥年方及笄而啞啞乞錦章代卜錦章行至淮水界倦甚小憩財神廟見一女子跣足蓬頭抱孩童欲投黃河錦章急救之女云黃氏夫錢德周畜豕數口將貨納糧不意夫入城一人以假銀十兩售之畏夫詰責故投水耳錦章以行笈中銀十兩贈之勸令速歸而財神鑒察錦章捐金救女陰騰奏聞上帝即以天寶庫藏金銀各十窖賜為將來安享錦章行至小湖山山中勾簾洞有青松一株二千餘年矣受天地精華雨露培養能幻人形與長江鸞龍俱有志修仙而青松忽患癰症鸞龍又患懶病遣卒邀錦章至洞燭其往廬山代占并餽赤金三百兩錦章遂詣廬山紫雲道人者即王子喬也託之賣卜貴度群幽已知錦章是天福星來問卜命僮迎之錦章大驚因入叩謁先代桂榮鸞龍青松

子占三事紫雲斷云桂榮之事乃天風 卦主啞女見夫能言婚姻成就驪龍乃
否卦主否極泰來飛騰之象但須摘去頂下一珠青松子占得泰卦欲病愈必須
陰陽配合仙丹因以丹二粒贈之錦章復自占終身紫雲言汝一生事業盡在前
三卦中不必再問矣因留飯桃源洞口萬花叢中錦章大醉而別歸至小湖山見
青松子驪龍備述始末驪龍吞丹即吐出一明珠胸中青爽青松子吞丹步履如
舊深感錦章驪龍贈以明珠青松子贈以如意火煉成寶劍能避刀兵護體龍與
青松俱飛昇去錦章至桂榮家述仙師斷語云來占女啞藏珠待價一見丈夫能
言能話即以珠贈榮女青娥見珠與錦章即能言榮喜甚遂以女配之未幾懷孕
青娥於花園祈禱見百道火光白鼠旋繞庭階錦章掘之有金銀十客俱錫錦章名
青娥旋生一子是時正統土木之變倭寇侵犯錦章應試闈中誤落燈煤燒第三
篇題目中二字朱衣使者暗取印卷官處餘卷用奎宿密置錦章號房且警覺之
另謄交卷遂獲狀元及第而司禮監王振以錦章策論中譏刺時事深憾之與其
黨大理寺卿聞可思請奏請督師授錦章兵部尚書賜上方劍率兵五萬征勦倭
寇青松子來晤云但遇敵不可戰待十五載後自定錦章子昌宗年己未七海通

經史應試亦狀元及第景泰帝賜碧雲公主為配昌宗奏父出師海上未歸願助父勦寇功成乃婚景帝念其忠孝即授都統制率兵十萬往昌宗途遇難民千餘即捐萬金救濟各歸田里父子相逢同心征勦倭寇大敗迨至北海岸倭急登戰船而驪龍已為金龍總管暗助錦章父子陡起風濤倭寇悉沉沒遂班師奏凱還朝景帝大喜授錦章建極殿大學士昌宗武英殿大學士婚配公主闔家歡慶值錦章五十誕辰青松子獻蟠桃長生果驪龍獻靈芝瑞草景帝賜以壽詩恩寵無比五福堂前霞光忽現掘得金銀二十窖皆攜富錦章名福祿壽考共享厚德之報焉 按正統景泰時無富錦章富昌宗二人亦無公主婚配之事青松子驪龍俱作者添設正統十四年有土木之變景泰在位七年安得倭寇侵犯十四年之久且景泰時王振已沒其害富錦章事尤屬子虛作者借此組合關目而不知其荒謬可哂也

龍華會

不知何人所作龍華會三字出彌勒下生經以彌勒出世時至龍華樹下大會說法普度衆生故世人相傳有龍華會龍華乃樹名高廣四千里此劇則以龍瑞與

華女貞香同皈依三寶救母出幽冥見佛解脫故名龍華曾乃假托也藏經中無
此事大抵空中樓閣勸人為善勿昧因果與目蓮記相類云 略云過去正法明
如來現前觀世音菩薩因王舍城龍襄本西方散聖靈根不昧已引歸極樂妻金
氏性根不堅恐致墮落賜善子為嗣救濟其母共證菩提子名瑞父襄棄世三載
與母金氏繼父之志造善應寺以供比丘修真觀以供羽士慈福庵以供比丘尼
瑞幼時聘華貞香為妻未娶母舅金蜚明巧言誑姊經營謀利又令使瑞携資他
鄉貿易并勸開掌恣食生命種種炮炙驅逐僧眾金氏惑其言悉聽之龍襄因在
世勤修廣行慈善授九州糾察勸善天曹使瑞奉母命為商夜宿孤館有穿窬入
室瑞驚醒以銀贈之勸其改過及歸家知母所行事婉言幾諫母云散僧眾者因
家無進益也若開掌永沉地獄言未已雙睛出血昏迷須臾絕蜚明聞姊死欲挾詐
以圖產項刻被雷擊鬼卒押金氏至望鄉臺因業重不見家鄉食迷魂湯歷冤報
關惡狗村羊腸路猪婆場牛頭關按內典中無此等名瑞龍痛母之亡誓終身不婚配作
休書并庚帖送還華氏以家業託蒼頭龍德自畫二親真容隨身供養欲往天竺
見佛求佛濟拔早生淨域而華貞香堅心守節瑞一切視同泡幻竟棄家去金氏

復徧歷寒水火床地獄

按內典有此二地獄名

血河池

內典中無此名

備受諸苦瑞往靈鷲路經象

腹崗遇堊山土神指示云過崗名堊山昔皇帝之孫始均居此後顯頊取藤文氏

女祿為妻而生老童老童生祝融祝融生長琴於此有一怪獸名無厭豹頭犀甲

狼面虎睛彪軀豹足踞此食人瑞一心見佛直行不顧無厭噴霧吐火欲咬之賴

觀世音救免罰無厭填河源缺口又遇混塵魔王幻作女子試之

按內典魔王名波旬非混塵也

瑞堅心不退遂詣靈鷲見釋迦牟尼佛摩頂受記法名捷連入深禪定于定中見

父已解脫母尚滯輪迴泣告釋迦如來賜拂塵錦襪袈裟行至冥司三殿欲投血

湖池代母蓮花湧出雖護已身不能救母仍歸靈鷲求佛佛說血盆經懺悔受罪

女人皆得超脫而金氏業重不能遽脫復解往四殿瑞復哀求佛佛賜以須彌錫

杖而金氏又解五殿閻羅鞠問勝為言其夫龍襄行善已昇天界金氏乃大悔誤

聽蜚明之言已無及矣復押入六殿黑暗地獄瑞至五殿閻羅為言須求佛日月

普光燈摩尼如意寶珠方得見瑞又返靈鷲求佛願以身代母罪佛憫之賜日月

普光燈四十九盞金氏復押入饑鬼地獄其弟蜚明亦在黑暗地獄聞聲識姊互

相怨恨又奉泰山冥王令押蜚明入河鼻地獄金氏于中途遇夫襄襄不能救瑞

點日月普光燈至見母舅蜚明知母又入饑鬼地獄悲慟哽咽復返靈鷲求佛佛賜甘露飯待至獄中而母又解八殿平等王九殿都市王十殿輪迴王將入畜生道瑞益哀慘又返靈鷲求佛佛教地藏菩薩追魂攝魄且為設龍華大會金氏暨夫襄子瑞及未婚之媳華氏俱見佛得度夫妻子媳相聚共往極樂佛刹永離輪迴按此劇與目蓮記相似而藏經中佛智慧弟子舍利佛神通弟子目健連無所謂龍瑞法名捷連也作者組合成劇實與內典不合血盆經懺亦內典所無雲棲法彙沈蓮池竹窗隨筆云血盆經懺大約後人偽造然假此勸女人行善亦有益也然內典琰魔法王主人間善惡亦無十殿閻羅之稱又按山海經西北海之外有國皇帝孫始均所生其國有止山有桂山有搖山其上有入號曰長琴顓頊生老童老童生祝融祝融生長琴是處搖山始作樂風劇中所引本此然有山名三而非崧山其山有五彩鳥三名一名鳳鳥一名鸞鳥一名鳳鳥未嘗言有無厭之獸又世本云顓頊娶于騰墳氏謂之女祿產老童國名記又云勝墳注云勝奔也高陽妃勝奔氏國劇云滕文氏本此而小異又按四十九盞燈本樂師經謂之琉璃燈不名日月普光燈也經內有日光遍照菩薩月光遍照菩薩故作者影

借以為日月普光燈耳。

求如願

近時人作劇以歐陽名三代清白虔誦法華經青湖龍王女如願亦誦法華經感呂純陽真人指示結姻廣行善事飛昇仙去故曰求如願也事皆有所影借但非歐陽修孫耳 略云歐陽名宇紹袞廬陵人歐陽修之孫妻胥氏累世清廉積德值青苗法為害貧無甚惟祖遺玉麈尾古端硯黃庭堅書詩扇李廷珪墨定武蘭亭法帖蘇軾文集寶愛不忍釋夫妻同誦大乘妙法蓮華經于日日備香楮祈錢神送窮典賣田園學為貧殖舟行過彭蠡湖風浪驟起投以玉麈尾古端硯未息復投黃庭堅書扇并自書法華經風浪忽止行至湖廣遇呂洞賓知名本金童龍王女如願本玉女偶謫塵凡數當配合因語之曰龍王獲汝經扇欲酬汝德凡珍珠寶玩決不可受惟說求如願三字足矣龍王果遣青衣童子邀至宮中設宴款之贈一大珊瑚樹明月珠二顆通天犀俱不受但曰求如願龍王大驚詢之名以純陽之言對即命與如願諧伉儷于龍宮三日後水部送歸家時蔡京深嫉元佑正人君子親書黨人三百九十人立碑于端禮門禁行三蘇文集名藏之石壁中

值江右亢旱斗米千錢名以數千金糴米煮粥廣救飢民三百餘萬是時徽宗寵信林靈素正登壇作法擒李師師以其為野狐精也適童貫捧詔至壇師師遂得逸去封靈素通真達靈先生于上清寶籙宮上表章冊徽宗為教主道君皇帝上玉帝徽號曰太上開元執符御歷含真體道昊天玉皇上帝未幾大金南侵復命靈素具奏玉帝以劫運之故不能上達蘇軾為天上奎宿代之轉奏玉旨云天數已定不必再奏靈素伏陰回不敢泄漏天機但奏蘇軾是天上奎星豈可稱為黨人即于半夜毀黨人碑召購蘇軾文集而歐陽名藏軾文集于壁中已十年生一子取名曰攀狗亦已十齡因以蘇軾文集獻上即拜翰林學士命草詔罪已更革弊端俾人心悅天意回則備禦之事將帥可以任之李綱復奏當整飭軍馬固結民心相與堅守以待勤王之師蔡京請遷移襄鄧李綱復奏六軍父子妻孥皆在都城萬一中道散歸誰護為衛敵兵逼近知 輿未遠以健馬來追何以禦之蔡京之言切不可聽因命李綱兼親征行營使种師道為大將軍歐陽名為叅謀大金粘沒喝以六萬師據奔馳崗勤王之師集城外者已二十餘萬遂出封丘門大戰粘沒喝退去李綱种師道歐陽名各加二級玉帝以歐陽名正直無私虔誦妙法蓮

華經救濟饑民三百餘萬陰功浩大着呂洞賓及諸仙官天將以幢幡寶蓋接之妻胥氏龍女如願俱白晝飛昇先列仙班後歸佛刹以彰為善之報云 按搜神記歐陽明經彭澤湖有數吏來候明云是青洪君使要明甚怖吏曰青洪君必有重遺君者如敢獨求如願耳明既見青洪君求如願如願者青洪君婢也明將歸所願輒得數年大富搜神記干寶所撰事在晉前劇以歐陽為永叔之孫可哂

藍采和

不知誰作自號元成子演鄉社會飲傀儡偏侑觴藍采和逢場作戲題曰冷眼又名藍采和鬧劇 略云長安市上二社長醺金貫酒聚飲尋樂觀演傀儡仙人陳陶隱其姓氏混稱藍采和手持拍板一脚着靴一脚跣行唱踏踏歌亦來社會中觀場傀儡所搬弄有洋曾虎皮見草而悅見狼而戰也中山狼恩將讐報也昏夜乞哀白日驕人也雪裡送炭錦上添花也看錢富人也欺善怕惡也知父子宋人握苗也烈兄弟趙禮讓肥也嚴子陵羊裘釣澤也美夫妻饑至如賓也好朋友范張難泰也傀儡演畢眾客將散詢道人飲酒食肉否欲以餘剩與之道人云我飲者玉液金波村醪豈堪入口食者瓊芝玉草芻豢豈堪充腹眾客大驚社長以為痴

道人道人云汝痴我非痴也長歌一曲皆醒俗之言化金光而去 按陸游南唐書其時有藍采和相傳以為即陳陶也

千里舟

明萬曆間人作小說有雙漸趕茶船會蘇卿一段元人劇中亦用此事作者不見古本乃據此揣摩敷衍因神助舟行一日千里故名千里舟也餘無所考 略云雙璧字藍田江西南昌人官登卿貳告歸林下妻夏氏子雙漸字雲鴻年二十遊學金陵父與銀五萬兩為行資旅寓秦淮河館間步桃葉渡遇女蘇卿目成相思致病蘇卿者廉訪蘇天挺之女江南松江人母早亡隨親赴任陝西行至黃河蘇天挺以朝廷命臣不肖謫媚神鬼金龍四大王大怒欲害其命判官云冥數天挺官星尚旺其女陽壽未終尚有榮顯之日但傾覆其舟飄散二人足蔽其辜矣天挺幸船板扶身仍赴任所蘇卿得蘇媼撈救強以青樓之事冰雪堅持假母哺一女巫關亡說云蘇廉訪已死囑女順從蘇媼適雙漸囑幫間柳奉卿胡思傳求蘇媼因設謀言原係官家之妾母女相依擇壻雙漸遂賃其園見侍婢元霜以詩扇贈之曰朱樓天半鎖威蕤樹影開遮花影差吟罷新詩無一語東隣盼斷眼迷離為

隣有梅花莊豪紳水孽字望月之別業雪中來賞梅花瞥見卓氏美麗欲謀之以莊媼潘氏素與卓善強為畫策潘氏教孽以恩結之鼎方進城以妻所織布易粟斗許歸至十錦塘孽邀至舟中樽酒禦寒解絺袍以贈隔數日又醜以銀米卓氏諫以斷不可受而鼎困窮之際深感其誼又數日孽說云薦館于金陵趙九員外命僕水溢隨之往使潘氏伴其妻鼎欣然去卓氏諫不從判袂時鈕扣偶鬆鼎為扣之卓氏請待夫歸方開黥然而別孽窺卓氏貞靜未易圖乃遣所交綠林豪客搶至家中綠林豪客者年十三為父報讐殺人逢赦流徙金陵右衛又見土豪強姦少婦不從致死憤擊殞命搜捕甚急孽罷別駕任愛其勇健敢為攜歸杭州藏六和塔下為盜孽即富主也一日劫商人仲義樂其利船約三千金及詢仲義則義父與其利同泛江湖者二十餘年嘗遭風濤兩家貨俱覆沒義父溺水亡而其利索詐仲義賠償本利銀六百兩謂其尚通百分之一強逼為僕豪客大怒斬其利即以三千金與義蓋劍俠之流也水孽不敢明言已事偽云一書生之妻為土豪奪去求其救回豪客不知竟為焚鼎草舍劫卓氏至孽家孽調戲之卓氏貞性激烈觸階流血其母責子不肖留卓氏居梅花書屋謹衛護之後以訓子不從氣